

गोगा गोरख का जोड़ा ठाट का भुतां कै तो करंट लगै सै हजार वाट का



बागड़ देश म्ह,
गोगा गोरख का,
जोड़ा ठाट का,
भुतां कै तो करंट लगै सै,
हजार वाट का,
हे रै रै हजार वाट का,
हे रै रै हजार वाट का हो।

तर्ज - श्याम जीमावै जाटणी।

गोरख रूप म्ह शिवजी बैठे,
गोगा रूप म्ह नाग पदम,
नजर मिलै जब भगतां गेल्यां,
टेंशन हो जा सारी खत्म,
फूल कमल दिल खिले देखकै,
चाँद ललाट का,
भुतां कै तो करंट लगै सै,
हजार वाट का।

क्रोध भरी नजरों से देखै,
भुतां के सिस्टम फैल करै,
मंद मंद मुस्का कै नै,
भक्तों के दिल म्ह प्यार भरै,
जब यह बणै रुखाले काम ना,
रह घबराहट का,
भुतां कै तो करंट लगै सै,
हजार वाट का।

मंदिर अंदर भूत भूतणी,
मार कै किल्की रोवै सै,
मार पड़ै जब गुरु चेल्ले की,
राह भाजण का टोहवै सै,
एक नू बोल्या मत मारो,
मैं बुड़ढा साठ का,

समस्त भजनों के लिरिक्स और विडियो बिना भुतां कै तो करंट लगै सै। आप इन सबको आपका मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiyari.com>



करै गुलामी गजेन्द्र स्वामी,
बागड़ के दो शेरों की,
लक्की शर्मा किस्मत आला,
दौलत पाग्या मेहरों की,
भक्तों में दिया नाम गिना,
भंवर लाल जाट का,
भुतां कै तो करंट लगै सै,
हजार वाट का।bd।

बागड़ देश म्ह,
गोगा गोरख का,
जोड़ा ठाट का,
भुतां कै तो करंट लगै सै,
हजार वाट का,
हेरैरै हजार वाट का,
हेरैरै हजार वाट का हो।bd।

गायक – लक्की शर्मा।
लेखक – गजेन्द्र स्वामी।
कुड़लाण (करनाल)
9996800660